

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA DOBOJ JUG
OPĆINSKI NAČELNIK
Broj: 02-04-887-1/21
Datum: 26.08.2021.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj:12/03, 34/03 i 65/13), te Odluke o standardima, kriterijima, uslovima i postupku imenovanja u regularane organe općina Doboj Jug („Službeni glasnik općine Doboj Jug“, broj: 03/19), Općinski načelnik objavljuje:

JAVNI OGLAS

za izbor predsjednika i članova Upravnog odbora Javne ustanove „OPĆA BIBLIOTEKA“ Doboj Jug

Objavljuje se Javni oglas za izbor i imenovanje članova Upravnog odbora Javne ustanove „Opća biblioteka“ Doboj Jug (u daljnjem tekstu: Ustanova), i to:

- | | |
|---|-------------|
| - član Upravnog odbora - predsjednik | 1 pozicija |
| - član Upravnog odbora (iz reda stručnih radnika zaposlenih u Ustanovi) | 1 pozicija |
| - član Upravnog odbora | 1 pozicija. |

I – Opis upražnjene pozicije

Nadležnost Upravnog odbora propisana je Pravilima Ustanove i podrazumjeva obavljanje slijedećih poslova: donosi pravila Biblioteke, imenuje i razrješava direktora, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte u skladu sa zakonom i Pravilima, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o iznosu sredstava preko 2.000,00 KM, odgovara osnivaču za rezultate rada, odlučuje o prigovorima radnika na rješenja o pravu, obavezi i odgovornosti iz radnog odnosa, podnosi osnivaču najmanje jednom godišnje izvještaj o poslovanju Biblioteke, odlučuje o popuni, reviziji i rashodovanju bibliotečke građe, odlučuje o organizovanju odjeljenja i pokretnih fondova Biblioteke, utvrđuje način korišćenja bibliotečke građe, utvrđuje radno vrijeme Biblioteke za korisnike, odlučuje o naknadi za upis (članarina), utvrđuje način propagande i popularizacije knjige, vrši i druge poslove u skladu sa zakonom i Pravilima.

II – Kandidat za predsjednika i člana Upravnog odbora mora ispunjavati slijedeće opće i posebne uslove:

a) Opći uslovi:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objave upražnjene pozicije,
- da se na njih ne odnosi član IX. 1. Ustava Bosne i Hercegovine,
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine („Sl. novine FBiH“ broj: 12/03, 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
- da nema privatni ili finansijski interes u instituciji u kojoj se kandiduje,
- da u posljednjih pet godina nije osuđivan za krivično djelo nespojivo sa imenovanjem na dužnost u instituciji u koju se kandiduje,
- da mu nije izrečena zaštitna mjera zabrane obavljanja aktivnosti na poziciju na koju se kandiduje.

b) Posebni uslovi :

- VSS VII stepen, završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ECTS bodova) ili VŠS, tehničkog, ekonomskog, pravnog ili nekog drugog društvenog smjera,
- za predsjednika Upravnog odbora najmanje 5 godina radnog iskustva u struci nakon sticanja zvanja, a za člana Upravnog odbora najmanje 3 godine radnog iskustva u struci nakon sticanja zvanja,

- da nije član nadzornog ili upravnog odbora , odnosno odbora za reviziju nekog privrednog društva ili institucije,
- komunikacijske i organizatorske sposobnosti (cijene se na intervjuu),
- sposobnost tumačenja propisa iz oblasti za koju je regulirani organ osnovan (cijeni se na intervjuu),
- sposobnost upravljanja finansijskim i ljudskim resursima (cijeni se na intervjuu).

III - Dokumenti koji se prilažu uz prijavu na javni oglas moraju biti u originalu ili ovjerene fotokopije:

Uz pismenu prijavu, sa naznakom pozicije za koju se kandiduju, kandidati su obavezni priložiti slijedeće:

- svojeručno potpisanu kraću biografiju sa adresom i kontakt telefonom (CV)
- uvjerenje o državljanstvu (ne starije od 6 mjeseci),
- uvjerenje o prebivalištu – boravištu (Obrazac PBA-3) ne starije od 3 mjeseca od dana izdavanja,
- ovjerenu kopiju diplome,
- dokaz o radnom iskustvu u struci,
- potvrda o zaposlenju u JU „Opća biblioteka“, (samo za člana iz reda stručnih radnika zaposlenih u Ustanovi),
- ovjerena izjava da nije član nadzornog ili upravnog odbora , odnosno odbora za reviziju nekog privrednog društva ili institucije,
- ovjerena izjava da nije otpušten iz državne službe kao rezultat disciplinske mjere na bilo kom nivou u Bosni i Hercegovini u periodu od tri godine prije dana objavljivanja upražnjene pozicije,
- ovjerena izjava da se na njega ne odnosi član IX .1. Ustava Bosne i Hercegovine,
- ovjerena izjava da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine,
- ovjerenu izjavu kandidata da nema smetnji za imenovanje shodno Zakonu o sukobu interesa,
- ovjerena izjava da nema privatni ili finansijski interes u instituciji u kojoj se kandiduje,

NAPOMENA: Dokaz da kandidat nije osuđivan za krivično djelo od nadležnog Ministarstva unutrašnjih poslova službeno će se tražiti za kandidate koji budu predloženi za konačno imenovanje.

IV- Imenovanje članova Upravnog odbora vrši se na period od 4 godine sa mogućnošću ponovnog imenovanja.

Naknada za obavljanje dužnosti člana Upravnog odbora odrediti će se u skladu sa Odlukom Općinskog vijeća.

Svi kandidati čije su prijave formalno-pravno ispravne biti će pozvani na intervjuu.

Kandidati sa kojim se ne stupi u kontakt u roku od 8 dana od dana isteka roka za podnošenje prijave, kao i kandidati koji su uredno pozvani a nisu se pojavili na intervjuu, neće se uzeti u obzir u daljnjem postupku za izbor.

O rezultatima oglasa kandidati će biti obaviješteni pismeno, putem pošte na adresu navedenoj u prijavi u roku od 8 dana od dana donošenja rješenja o imenovanju predsjednika i članova Upravnog odbora Ustanove.

Nepotpune i neblagovremene prijave se neće uzeti u razmatranje .

Ovaj Javni oglas objaviti će se u jednom dnevnom listu i „Službenim novinama FBiH“.

Krajnji rok za podnošenje prijave je 15 dana od dana objavljivanja oglasa.

Rok od 15 dana računa se prema datumu objave u glasilu koje posljednje bude objavilo ovaj Javni oglas.

Prijave sa dokumentacijom iz tačke III ovog Javnog oglasa treba dostaviti u zatvorenoj koverti lično putem pisarnice Općine Doboj Jug ili preporučeno poštom sa naznakom:

„Prijava na Javni oglas za imenovanje predsjednika i članova Upravnog odbora
Javne ustanove Opća biblioteka Doboj Jug – NE OTVARATI“

Općina Doboj Jug

- Komisija za izbor -

Ulica „Trg 21.mart“ broj: 1., 74203 Matuzići, Doboj Jug



OPĆINSKI NAČELNIK
Mirnes Tukić, dipl.ecc